



Ազդարարության Trumpet's Sound ինո՞ն

52-րդ տարի, ԿԱՄՏՐԱԼԻՆ
ՅՈՒՆԿԱՐ - ՓԵՏՐՎԱՐ 2021





Հայ Ավելարանական Եղբայրների Եկեղեցի ARMENIAN EVANGELICAL BRETHREN CHURCH

BI MONTHLY CHRISTIAN PUBLICATION
PUBLISHED BY THE
ARMENIAN EVANGELICAL BRETHREN CHURCH
112 SAILORS BAY ROAD, NORTHBridge,
NSW 2063 Australia

PASTOR HRATSH KIUJIAN
ARMENIAN EVANGELICAL BRETHREN CHURCH
PO BOX 1593, CHATSWOOD NSW 2057
email: pastor@armenianbrethren.org
URL: www.acmaust.org

«ԱԶԴԱՐԱՐՈՒԹՅԱՆ ՓՈՂ» երկամսյա թերթը Սիդնեյի Հայ Ավելարանական Եղբայրների Եկեղեցու հրատարակություն է: Պատասխանատու խմբագիր՝ հովիվ Հրաչ Գույնեցյան:

Այս թերթը անվճար բաժանվում է հայրենիքում: Ցանկացողները կարող են դիմել նշված հասցենով:

ԲՈՎԱՆԴԱԿՈՒԹՅՈՒՆ

Ի՞՞նչ է ասում Աստվածաշունչը Հովիվ՝ Հրաչ Գույնեցյան

Սադոս 16. Իոն Մթորմըր

Անմար կյանք Ներ Բուքման

Հիմա դու պատեղ կանգնի՞ր, Քաղված

Գառնուկն ու կճիքները (1) QMBC պանորամա

Աճող եկեղեցի Վեր. Հովսեփ Հովսեփյան

Որքանո՞վ կարող ենք սխալվել. Ուես Տիրլավ

Ինչո՞ւ հոչակել Խոսքը Չեսլո Բասսարա

Ապակե շիշը Քաղված

Ամենակարող Աստված Քաղված

Ես եկել եմ դժոխքից. Հովիվ՝ Գառնիկ Աբրելյան

Ի՞նչ է ասում Աստվածաշունչը

ՄԵՆՔ՝ որպես քրիստոնյաներ, ինչպես պետք է ապրենք 2021 թվականին:

«Եթե աշխարհից լինեիք, աշխարհն իրենը կսիրեր, բայց որովհետև դուք աշխարհից չեք, այլ ես ձեզ աշխարհից դուրս ընտրեցի, դրա համար աշխարհն ատում է ձեզ» (Հովհ. 15:19):

Մեր քագավորությունը Երկնքում է:

«Եթե Քրիստոսի հետ հարություն եք առել, ուրեմն, վերին բաները կնույրեցեք, որտեղ Քրիստոսն է՝ նատած Աստծո աջ կողմում» (Կող. 3:1):

Աշխարհը քառսային վիճակում է: Պարզապես նայե՛ք քաղաքական իրավիճակին:

«Վերին բաների մասին մտածեցեք և ո՛չ թե այն, որ երկրի վրա» (Կող. 3:2):

Նայե՛ք համաձարակին, և թե որքա՞ն մարդիկ պետք է համակերպվեն այս իհվանդությանը: Որքա՞ն կարող ենք դիմանալ: Հիշե՛ք Պողոս առաքյալին: Նոր Կտակարանի նրա որոշ նամակները գրված են բանտից, ուր ո՛չ ուտելիք, ո՛չ էլ ջուր կար. չկար լոգարան, մաքուր օդ, ընկերներ...: Բայց առաքյալը ցնծում էր: Նա երբեք չխոսեց իր դըժվարությունների մասին, այլ Քրիստոսով միշտ ուրախ էր:

«Ամեն ինչում գոհություն մատուցեք, որովհետև սա է Աստծո կամքը ձեզ համար Քրիստոս Հիսուսվ» (Ա Թես. 5:18):

Այո՛, մենք շատ բան ունենք սովորելու: Երբեք մի՛ մոռացեք, որ կառավարությունը Աստծոն կողմից է կարգված:

«Թող ամեն մարդ բարձր իշխանություններին հնազանդ լինի: Որովհետև չկա իշխանություն, որ Աստծուց չլինի. և եղած իշխանություններն Աստծուց են կարգված» (Հոռմ. 13:1):

Ծաս հավատացյալներ ծովանում են միասին հավաքվելու մեջ՝

պատճառաբանելով «Zoom»-ի հասանելիությունն ու առավելությունը:

«Եվ մեկտեղ հավաքվելը չքողնենք, ինչպես ոմանց սովորությունն է, այլ միմյանց հորդորենք. և այնքան ավելի, որքան տեսնում եք, որ օրը մոտենում է» (Երք. 10:25):

Վերջին ժամանակներում ապրելով՝ մենք շատ լավ գիտենք, որ այս բաները պիտի տեղի ունենան:

«Որովհետև այն ժամանակ այնպիսի մեծ նեղություն պիտի լինի, որի նմանը աշխարհի սկզբից մինչև հիմա չի եղել և չի ել լինի» (Սատր. 24:21):

Երբեք մի՛ մոռացեք Տիրոջ խոստումները:

«Սովորեցրեք նրանց, որ պահեն այն ամենը, ինչ Ես ձեզ պատվի-րեցի: Ահա Ես ձեզ հետ եմ ամեն օր, մինչև աշխարհի վերջը»: Ա-մեն» (Սատր. 28:20):

Հ. Գ.

Սաղմու 16

16-րդ Սաղմոսը մեսիական սաղմոսների շարքում երրորդն է: Այն Դավիթի Սաղմոսներից մեկն է, և չնայած որ Սաղմոսում զիսավոր հե-րոսը ինքն է, սակայն այն վերաբերում է Մեսիային ու Նրա հարութ-յանը:

Դավիթը սկսում է աղոթքով՝ Աստծո պահպանող շնորհքը խնդրե-լով: Սա աղոթք է, որը պեսը է յուրաքանչյուրիս շրբունքներին լինի: Ծեշտը դրված է Տիրոջ պահպանող զորության վրա՝ միտք, որը հա-ճախ կրկնվում է Սաղմոսաց գրքում: Նույնը տեսնում ենք Սաղմոս 121-ում. «Նա, ով պահպանում է քեզ, չի նիրիելու»: Այս Սաղմոսում սաղմոսերգիշը խնդրում է Աստծուն, որ իրեն պահի, քանի որ իր հույ-սը Նրա վրա է դրել: Նա այսպես խնդրելու իրավունք ուներ, քանի որ իր վստահությունը Աստծո վրա էր դրել: Սա զարմանալի ճշմարտու-

թյուն է: Եթք մենք՝ ոչինչներս, մեր վստահությունը Աստծո վրա ենք դնում կամ Նրան ենք ապավիճում, կարող ենք ակնկալել, որ Աստված հոգ կտանի մեր մասին:

Դավիթը նաև համոզված էր, որ Աստված իր Տերն է, և երբեք չէր հապաղում մարդկանց առջև վկայել Նրա մասին: Լավ է հիշել, որ առանց Տիրոց՝ մենք ոչ մի բարիք չունենք: Նա է մեր միակ բարությունը:

Այս համարներում Դավիթը Աստծո մասին երեք տիտղոս կամ անուն է օգտագործում՝ Էլ, Յահվե և Աղոնայ: Էլ-ը, որ նշանակում է Աստված, հաճախ կցվում է ածականի, ինչպես օրինակ՝ արդար Աստված: Սրա նման կա ևս մեկ անուն՝ Էլ-Շաղրայ, այսինքն՝ ամենակարող Աստված: Նա Յահվեն է՝ ուխտը պահող Աստվածը, Նա Աղոնայն է՝ գերիշխան Տերը:

Հետաքրքրական է, թե 3-րդ համարում ո՞վ է խոսողը: Արդյոք Դավիթը իր մասի՞ն է ասում, որ ուրախանում է Տիրոց սուրբերով, թե՞ Տեր Հիսուսն է ասում, որ Իր հաճությունը Իր սրբերի մեջ է: Եթե Դավիթն է, ուրեմն ինքններս մեզ պետք է հարցնենք, թե արդյոք մեր ուրախությունը Տիրոց ժողովրդի մե՞ջ է: Որտե՞ղ ենք գտնում մեր ուրախությունը: Կասկած չկա, որ սուրբերը կատարյալ են. Աստված Իր համար առանձնացվածներին կատարյալ է տեսնում: Եթե Աստված Իր հաճությունը սրբերի մեջ է գտնում, ուրեմն մենք նույնպես պետք է ուրախություն գտնենք նրանց մեջ:

Դավիթը մտածում է շաստվածներին երկրպագողների մասին: Այս Սաղմոսի նկատմամբ մակերեսային մոտեցում ունեցողները պնդում են, թե մենք այլ աստվածներով չենք անհանգստանում, ինչպես հեթանոսներն են անում: Բայց պետք է հարց տանք, թե արդյոք մեր ուշադրությունը այլ աստվածների վրա սևեռէ՞լ ենք, թե՞ ոչ: Այսօր շատերը պաշտում են սպորտը կամ նյութը: Մենք մեր տներն ու աշխատանքի ասպարեզը աստվածների վերածելու փորձության առջև ենք: Խսրայեցիների մշտական խնդիրներից մեկն այն էր, որ նրանք ուզում էին նմանվել իրենց շրջապատի ժողովուրդներին: Նույնիսկ հավատացյալները ազատ չեն այս փորձությունից: Հեշտ չէ ամբոխից առանձնանալն ու տարբերվելը:

Ովքեր խոնարհվում են այլ աստվածների առջև, շուտով հանդի-

պելու են տարբեր ցավերի: Այսօրվա երկրապագողները բավարարվածություն են փնտրում, սակայն աշխարհի աստվածները բավարարվածություն չեն պարզելում: Նրանք իրենց երկրապագողներին դատարկության զգացողություն են տալիս: Հարստության ձգտողները երբեք չեն բավարարվի իրենց ունեցածով: Այս աստվածները շարունակում են իրենց երկրապագողներից ավելի մեծ հավատարմություն պահանջել: Դավիթը վճռական էր այլ աստվածների զոհասեղաններին պարգևներ չբերելու հարցում: Նա հավիտյանս իր Տեր Աստծուն էր երկրապագելու:

Դավիթը կարող էր այդպես անել Աստծո համեստ ունեցած իր բացարձակ վստահության շնորհիվ: Նա զիտեր, որ Տերը իր բաժինը պահելու էր, և Նրա տվածը ապահով էր մնալու: Նա կարող էր համաստանալ Տիրոջ տված բարի ժառանգությունն ունենալու հավաստիացումով. «Ինձ վիճակվել են ցանկալի տեղեր»: Գուցե Դավիթը մտածում էր այն մարդկանց մասին, ովքեր դժողոհ էին սահմանները հաստատելու ժամանակ իրենց ստացած հողակտորներից: Նրանք, որոնք Տիրոջն են նայում, զիտեն, որ Նա հոգում է իրենց մասին և ոչ մի բանի պակասություն չեն ունենալու:

Պողոս առաքյալը զիտեր՝ ինչպես վարվել հարստության և աղքատության հետ: Փիլիպ. 4:11-13-ում նա ասում է. «Նյութական կարիքների մասին չեմ խոսում, քանի որ սովորել եմ գող լինել իմ զտնված վիճակից: Գիտեմ չքավորություն կրելը, զիտեմ շատ ունենալու էլ: Ամեն վիճակի մեջ ամեն ինչում սովորել եմ թե՛ կուշտ լինելուն, թե՛ քաղցածությանը, թե՛ շատ ունենալուն և թե՛ զրկանքներ կրելուն: Ես կարող եմ ամեն ինչ անել Քրիստոսի միջոցով, որ զորացնում է ինձ»: Լավ է բավարարվել սեփական վիճակով: Լավ է զիտակցել, որ եթե Տերը ուղղորդի մեր ճանապարհը, մենք միշտ լավ ժառանգություն կունենամք:

Դավիթն ասում է, թե որն է Տիրոջ օրինելու պատճառը: Տերը ամեն ժամանակ նրան առաջնորդում էր՝ տալով անհրաժեշտ խրատը: Նա զիշերները Տիրոջից ուղղություն էր ստանում: Սաղմոս 119:55-ում նա գրեց. «Գիշերով Ձռ անունը հիշեցի, ո՛վ Տեր, ու Ձռ օրենքը պահեցի»: Իսկ Սաղ. 63:6-ում գրեց՝ ասելով. «Երբ Ձեզ եմ հիշում անկող-

նուս վրա, ու քո մասին մտորում...»: Ուրիշներն իրենց անկողինների վրա չարագործություններ էին մտածում, բայց Դավթի ուրախությունը Տիրոջ մեջ էր: Չարմանալի չէ, որ Դավիթը շարունակում է՝ ասելով, որ իր սիրտը ուրախ է:

8-րդ համարը անցումային է: Դավիթը Տիրոջ հետ իր ունեցած հայրերության մասին մտածելուց հետո անցնում է Սեսիայի մասին մտածելուն: Լավ էր, որ Դավիթը Տիրոջը ամեն ժամանակ իր առջև էր դրել, և որ Տերը իր աջ կողմն էր՝ առաջնորդելով իրեն: Այնուամենայնիվ, այս խոսքերը ճշմարիտ են Տեր Հիսուսի համար: Նա Տիրոջը պատվավոր տեղն էր տվել և հետևաբար երբեք չէր սասանելու:

Դավիթը Աստծո մասին է մտածում, որ իր աջ կողմում է և պատհաստ է իրեն տալու անիրամեշտ օգնությունը: Սա ճշմարիտ է նաև Սեսիայի համար: Սակայն երբ կարդում ենք Սաղմոս 110-ը, տեսնում ենք, որ Աստված Սեսիային ասում է. «Նստիր Իմ աջ կողմում, մինչև քո թշնամիններին ուոքերիդ պատվամդան դարձնեմ»: Սեսիան իշխանություն ունեցող դիրք ունի:

Չնայած խոսողը Դավիթն է, սակայն Սեսիայի մասին մտքերը ավելի ակնհայտ են դառնում: Տիրոջ հանդեպ իր վստահության պատճառով Դավիթ սիրտը ուրախ էր: Տերը պահում էր նրան ապահովության մեջ: Բայց նույնիսկ այստեղ կա այն իմաստը, որ Դավիթը այս կյանքի սահմաններից այն կողմ էր նայում:

Դավիթը շատ հստակ հավատում էր, որ Շեուլից այն կողմ կյանք կա: Շեուլը մահացած մարդկանց հոգինների վայրն է: Հին Կտակարանի սուրբերին ամբողջովին հայտնված չէին հանդերձյալ կյանքի մանրամասները: Նրանք միայն գիտեին, որ մահից հետո ինչ-որ վայր կա: Ղուկ. 16-րդ գլուխ մեծահարուստի և Ղազարոսի պատմությունից սովորում ենք, որ Շեուլը բաղկացած է երկու մասից, և որ անհնարին է տաճանքի վայրից անցնել հաճախտի վայր: Այնուամենայնիվ, Դավիթը գիտեր, որ իր բաժինը անորոշության վայրում չէ, այլ որ ինքը ճիշտ ժամանակին մտնելու է Տիրոջ ներկայության մեջ: Այնտեղ նա վայելելու է Աստծո հաճությունները:

10-րդ համարում շատ ավելի հեշտ է տեսնել Սեսիային: Նա ճաշակեց մահը մեզ համար, բայց գիտեր, որ Իր մահը շատ կարճ էր

տևելու: Երբ այս Սաղմոսը դիտարկենք որպես մեսիական սաղմոս, կտեսնենք, որ Տերը ոչ միայն չմնաց մահացածների աշխարհում, այլև Նրա մարմինը ապականություն չտեսավ: Նա երրորդ օրը գերեզմանից հարություն առավ և հաջորդ 40 օրերի ընթացքում հայտնվեց հարուցյալ մարմնով:

Տեր Հիսուսի ժամանակակիցները չկարողացան հասկանալ սա: Հարության առավոտյան Մարիամ Մագդաղենացու թախանձագին աղաչանքի հիման վրա Պետրոսն ու Հովհաննեսը գնացին Տեր Հիսուսի գերեզման: Նրանք տեսան, որ Տերը այնտեղ չէ, իսկ Նրա գերեզմանի կտորները կոլիկի դրված են այնտեղ: Հովհաննեսը հասկացավ, որ սա միայն մեկ բացատրություն ունի. Տերը մեռելներից հառություն է առել: Իր Ավետարանում նա կարծես թե խոստվանական կերպով գրում է՝ ասելով. «Որովհեսն նրանք դեռ Գիրքը չգիտեին, թե Նա պետք է մեռելներից հարություն առնի»:

Այժմ Տեր Հիսուսը Հայր Աստծո աջ կողմում է: Նրա համար հավիտենական ուրախություն կա, սակայն Նրա ուրախությունը կատարյալ կլինի, երբ Իր բոլոր փրկարգնածները Իր մոտ լինեն ու վայելեն Իր ներկայությունը: Երկրի վրա մենք մեր աշքերը կփակենք այն հաստատուն համոզմունքով, որ այսի մտնենք Հոր ներկայության մեջ ու վայելենք հավիտենական ուրախությունը:

Ի՞նչ կարող ենք սովորել անձնական կյանքի համար: Մի քանի հարցեր կան, որոնց մասին պետք է մտածենք.

- Արդյոք կատարյալ վատահություն ունե՞նք, որ Տերը կարող է պահել մեզ մինչև մեր կյանքի վերջին շունչը:
- Արդյոք ամբողջ սրտով Տիրոջը փնտրո՞ւմ ենք, թե՞ հետևում ենք աշխարհի աստվածներին:
- Արդյոք Աստծուն շնորհակալություն հայտնո՞ւմ ենք Նրա բազմաթիվ օրինությունների համար:
- Արդյոք ուրա՞խ ենք մեզ սպասվող հեռանկարով:

Դոն Սթորմը

Անմար կյանք

«Ինձ մո՛տ եկեք, բոլոր հոգնածներ և բեռնավորվածներ, և Ես ձեզ հանգստություն կտամ: Իմ լուծը ձեր վրա վերցրե՛ք և Ինձնից սովորեցե՛ք, որ Ես հեզ եմ ու սրտով խոնարի. և ձեր անձերի համար հանգստություն կգտնեք, որովհետև Իմ լուծը քաղցր է, և Իմ բեռը՝ թեթև» (Մատթ. 11:28-30):

Ավստրալիայի վարչապետներից մեկը, հավանաբար հիասքափված լինելով իր ուսերին դրված սպասելիքներից, հետևյալ խոսքն ասաց. «Կյանքը երբեք հեշտ չի եղել»: Մարդիկ հարձակվում էին նրա վրա ու ծաղրում էին, նրանից հեշտ կյանք էին պահանջում, կարծես թե դա իրենց հիմնարար իրավունքը լիներ:

Խսկապես, շատ երկար տարիներ մարդկությունը ճգտել է տարբեր ճանապարհներով թեթևացնել կյանքի բեռը: Բայց եթե խսկապես ուզում ենք հասնել անվերջ դյուրիհնության վաղանցիկ նպատակին, ապա արդյոք պատրա՞ստ ենք հաղթահարելու այն ամենը, ինչ խանգարում է կամ ծանրաբեռնում է մարդկային սիրտը:

Սենք հեշտություն ենք փնտրում, սակայն տարօրինակն այն է, որ չնայած հեշտությամբ կարող ենք պատկերացնել ամեն տեսակի վախս ու տառապանք, սակայն չենք կարողանում պատկերացնել որևէ իդական հանգամանք, որը կարող է անվերջանալի երջանկություն ու գոհունակություն պարզել մեզ: Մեր բոլոր պատկերացումները ուշ թե շուտ մեզ համար ձանձրացուցիչ ու հոգնեցուցիչ են դառնում: Սակայն ինչո՞ւ է այդպես:

Թերևս պատճառն այն է, որ մենք հակված ենք կենտրոնանալու մեզ ծանոթ մարդկանց, մեր կատարած արարքների և մեր զնացած տեղերի վրա մեր կյանքի իրական բնույթի վրա կենտրոնանալու փոխարեն: Մեր կյանքը, սկսած բեղմնավորման պահից, դնիքանում է դեպի մահ: Ինչպես ավագե ժամացույցի ավագի հատիկը, ժամանակը միշտ սպառվում է, և մեր մահը ավելի է մոտենում: Սա է խնդիրը: Բոլորս գիտենք, որ մի օր մահանալու ենք, բայց փորձում ենք ապրել այնպես, կարծես դա չի պատահելու մեզ հետ: Մեզ պարուրող վոշ-

տերից և պայքարներից վեր բարձրանալու համար մենք պետք է հասկանանք ու գտնենք մահվան ցեղող փաստի պատասխանը։ Միայն այդ ժամանակ կարող ենք ունենալ հույսի իրական և տևական ներքին խաղաղությունը։ Արդյոք կա՞ որևէ միջոց։ Արդյոք կա՞ պատասխան։

Ինչ-որ մեկը այս հարցն է տվել. «Եթե Աստված մարդ դառնար, ապա ինչպիսի՞ն կլիներ Նա»։ Ի պատասխան՝ շատ մտքեր կարող ենք առաջարկել, բայց դրանցից մասնավորապես մեկը հատուկ կերպով պետք է ընդգծել։ Եթե Աստված մարդ դառնար, ապա հաստատ կհաղթեր մահվանը. մահը չէր կարողանա հաղթել Նրան։

Աստված մարդ դարձավ. Նա մարդկային քնույթով քայլեց երկրին վրա, փորձառեց մեր տառապանքներն ու վշտերը, և չնայած արտաքինով սովորական մարդ էր, սակայն ապացուցեց, որ Ինքը Աստծո Որդին է ու աշխարհի Փրկիչը։ Ինչպե՞ս։ Նա հաղթեց մահվանը։ Նա անկարող չէր մահվան դիմաց. մահը չկարողացավ և ոչ էլ կարող էր հաղթել Նրան։ Նա՝ Հիսուս Նազովրեցին, ում գալիքացի մարզարե անվանեցին, Աստծո պատասխանն է հավիտենական խաղաղության համար։

Հիսուսը քժշկեց հիվանդներին ու անդամալոյժներին, հարուցանեց մեռելներին, սակայն Ինքը մահացավ խաչի վրա ոչ թե Իր համար, այլ մեր մեռքերի համար Աստծո արդար բարկության պատիժը կրելով։ Նա հաղթեց սարսափելի մահվանը ու հարություն առավ, որպեսզի Իր շմարող և մահվանը հաղթող կյանքը պարզել բոլոր նրանց, որոնք Իրեն են դառնալու ու իրենց հույսը Իր վրա են դնելու։

Նրանք, որոնք փնտրեցին ու գտան Հիսուսի սերն ու ներումը, Աստծո շնորհրով կրամնեկցեն Նրա փառավոր ու անմահ կյանքը։ Չնայած Նրանք հանդիպում են վշտի, տառապանքի, հիվանդության ու տիրության, սակայն այդ ամենի մեջ սովորում են խորը ուրախությամբ և իրական խաղաղությամբ կյանք ապրել, քանի որ ունեն մի կյանք, որը չի կարող մահանալ։

Իհարկե, բոլորն ուզում են այդպիսի կյանք ունենալ, բայց քչերն են պատրաստ վճարելու ապաշխարության և Տեր Հիսուս Քրիստոսի փառավոր ու սիրալիր տիրությանը ենթարկվելու «գինը»։ Շատերը

կարծում են, թե զինը շատ բարձր է: Սակայն արդյոք այդպե՞ս է: Արդյոք մե՞ծ բան է մեղքի կեղտու լարերը մեկ կողմ նետելն ու արքայական ընտանիքին վայել հագուստ հազնելու համար այդ զինը վճարելը: Արդյոք մե՞ծ բան է ձեր ծախողած ու դառը իմաստությունից հրաժարվելն ու երկնային սուրբ ու խաղաղ իմաստություն ունենալու համար այդ զինը վճարելը: Արդյոք մե՞ծ բան է մահվան ստվերի երկիրը լրելն ու չմարող կյանքի պայծառ բարձունքներին հասնելու համար այդ զինը վճարելը:

Ո՛չ, զինը բարձր չէ, ավելի շուտ, մեր բնությունը ծայրահեղ ըմբոստ է, և մեր սիրտը՝ չափազանց կարծը: Բայց պարտադիր չէ, որ այդպես մնա: Ուշադրություն դարձրեք Տեր Հիսուսի կանչին, անձամբ փնտրեք Նրան, և այդ ժամանակ Նրա միջոցով հավիտենական և անմար կյանք կգտնեք:

Նեյլ Բուրման

«Հիմա դու այստեղ կանգնի՛ր, որպեսզի Աստծո խոսքը քեզ հայտնեմ» (Ա Թագ. 9:27)

Պ անայնությունը և շտապողականությունը ժամանակակից կյանքին բնորոշ հատկանիշներ են: Այսօր մեզ շրջափակում է տեղեկատվության հսկայական հոսքը: Ոչ մի սերունդ չի տեսել և չի լսել այնքան շատ, որքան մենք: Տեղի ունեցող իրադարձությունների մասին տեղեկատվությունները սրբնաց արագությամբ փոխարինում են մեզը մյուսին:

Հաճախ մենք ժամանակ չունենք՝ մարսելու այն ամենը, ինչը իմանում ենք օրվա ընթացքում: Տպավորությունները չափազանց շատ են լինում: Շատ բաներ մոռանում ենք, որոշներն ընկալում ենթագիտակցորեն, քանի որ կուշտ ենք տեղեկություններով: Իսկ ո՞վ է ժամանակ հատկացնում Աստվածաշնչի ընթերցանությանը:

Արդյոք կարո՞ղ է Աստվածաշունչն ինչ-որ քան ասել մեզ: Արդյոք արդիակա՞ն է դրանում գրվածը: Ահա այն հարցերը, որոնք տալիս է ժամանակակից մարդը, որը Վարժվել է այն մտքի հետ, թե իր համար կարևոր են միայն վերջին նորությունները:

Աստվածաշունչն իսկապես արդիական է, չնայած չի տալիս սեն-սացիոն իրադարձությունների անվերջանալի հոսք. Աստվածաշունչն Աստծոն հավիտենական խոսքն է, ինչն էլ արդիական է դարձնում այն: Մարդկանց ուղղված Աստծոն նամակն ունի մեծ նշանակություն՝ անկախ ժամանակներից և բարքերից: Նա, ով պատրաստ է կարդալու Աստվածաշունչն առանց նախապաշարումների, կիայտնաքերի, որ այնտեղ կա կյանքի համար կարևոր տեղեկատվություն, որը կարդանացնի սրտերը և կլինի սենսացիոն, բացարձակապես այլ նշանակությամբ:

Սակայն Աստծուն լսելու համար մենք պետք է մոռանանք ամեն ինչ և սուզվենք լուրջան մեջ: Աստված մեզ չի դիմում թոռութիկ կերպով կամ շտապողականությամբ: Նա, ով սկսում է կարդալ Աստվածաշունչը և փնտրել ճշմարտությունը, շուտով կհետաքրքրվի դրա լուրով, որն ուղղված է յուրաքանչյուր մարդու:

Քաղված



«Իմաստությունը չի՞ աղաղակում, ու հասկացողությունը ձայն տալիս: Նա կանգնում է բարձունքների գագաթին, ճանապարհների եղբերում, տների միջև, արահետների հանդիպման կետերում: Նա կանչում է դարպասների մոտ՝ քաղաքի մուտքի մոտ, դռների բացվածքում. «Զե՞զ եմ կանչում, ո՞վ մարդիկ, և իմ ձայնը մարդկանց որդիներին է ուղղված: Ո՞վ պարզամիտներ, իմաստությունն սովորեցեք, ո՞վ հիմարներ, հասկացող սիրու ունեցեք: Լսեցե՛ք, քանի որ ազնիվ բաներ եմ ասելու ձեզ ու շուրջերս շիտակ բաներ խոսելու համար եմ բացելու»»:

Առակաց 8:1-6

Գառնուկն ու կնիքները (1)

1. Ներածություն

Այժմ գալիս ենք Հայտնություն գրքի երրորդ բաժանումին. «Եվ սրամից հետո» (Հայտ. 4:1): Սա նշանակում է, որ Եկեղեցու հավիտակությամբ, և սկսվում է Սեծ նեղության ժամանակաշրջանը: Սակայն նախևառաջ Հովհաննեսը Սուրբ Հոգով տեղափոխվում է Երկինք, որպեսզի Աստծուն տեսնի՝ Իր գահին նստած, շրջապատված հրեշտակներով, որոնք փառք, պատիվ ու զորություն են մատուցում գահի վրա նստողին: Սույնն անում են նաև 24 երեցները:

Այնուհետև կարդում ենք յոթ կնիքով կնքված գրքի մասին, որը միայն Գառնուկը կարող է բացել: Յոթ կնիքներից վեցը բացելիս երկրի վրա այնպիսի դատաստաններ են տեղի ունենում, ինչպիսիք մարդկությունը երբնէ չի փորձառել: Բայց ավելի վատը դեռ առջևում է՝ յոթ փողերն ու յոթ թասերի դատաստանները:

Նախքան Գառնուկի՝ յոթերորդ կնիքը բացելը մի ժամանակամիջոց է լինելու, երբ Ավետարանը քարոզվելու է և ընդունվելու է Սեծ նեղության ժամանակաշրջանում: Կարդում ենք 144,000 Աստծո հրեա ծառաների մասին, որոնք, իրենց ճակատին կենդանի Աստծո կնիքը կրելով, պաշտպանված են դատաստաններից: Նրանք Թագավորության Ավետարանը քարոզում են ամբողջ աշխարհում, և նրանց քարոզության շնորհիվ հազարավոր մարդիկ փրկվում են, բայց այդ մարդկանց մեծամասնությունը նահատակվում է իրենց հավատի համար: Հովհաննեսն այնուհետև տեսնում է հավատարիմ մնացող մարդկանց երանելի վիճակը, ովքեր դուրս են գալիս Սեծ նեղության ժամանակաշրջանից ու կազմում են Քրիստոսի Հազարամյա թագավորության մի մասը (Հայտ. 7:14-17):

Ամենավերջում տեսնելու ենք Գառնուկին յոթերորդ կնիքը բացելիս, որը ներկայացնում է յոթերորդ փողի դատաստանը (Հայտ. 8:1-2):

2. Երկինքն ու Աստծո գահը (4:1-11)

Հովհաննեսը Սուրբ Հոգով տեղափոխվում է Երկինք, որպեսզի երկնային տեսանկյունից տեսնի այն, ինչ տեղի է ունենալու երկնքում ու երկրի վրա Եկեղեցու հավատակությունից հետո: Ուշադրություն դարձրեք, որ «Եկեղեցի» բառը այլևս չի հիշատակվում Հայտնության գրքում: «Եկեղեցիներ» բառը նշվում է միայն մեկ անգամ, երբ հասնում ենք 22:16 համարին: Սա ցույց է տալիս, որ Եկեղեցին այլևս երկրի վրա չէ:

Հայտնության գրքում Աստծո գահը շատ մեծ տեղ է գրադարձնում. այն հիշատակվում է ավելի քան 30 անգամ: Գահը խոսում է զորության և հեղինակության մասին, բայց Աստծո գահը խոսում է վերջնական ու բացարձակ գորության ու հեղինակության մասին: Չկա մի զորություն, որը կարող է հաղթել Աստծո զորությանը: Սատանան փորձեց զավթել Աստծո գահը, և նա նորից փորձելու է անել դա, բայց նրա վերջնական ճակատագիրը լինելու է հավիտենական կրակի լիճը (Եսայի 14:13-15, Հայտ. 20:10, Հայտ. 2:13, 13:2, 16:10):

Հովհաննեսն այնուհետև նկարագրում է այն, ինչ տեսնելու առանձնաշնորհումն ունեցավ. «Ահա մի գահ էր դրված երկնքում, ու գահի վրա Սեկը նստած: Եվ Նստողը հասպիս ու սարդիոն (թանկարժեք գունավոր քարեր) քարերի տեսքն ուներ: Եվ գահի շուրջը լուրջ ծիածան էր՝ զմրուխտի (մեկ այլ բանկարժեք գունավոր քար) տեսքով: Ու գահի շուրջը քասանչորս արռողներ կային»: Հստակ չէ, թե ովքե՞ր են այդ երեցները, բայց հավանաբար Հին Կտակարանի հավատացյալների և Նոր Կտակարանի Եկեղեցու հրեշտակային ներկայացուցիչներ: Նշենք, որ մի քանի նմանություն կա Սուրբ քաղաքի՝ Երուսաղեմի պատի հիմքերի ու դարպասների նկարագրության հետ. Հայտ. 21:12-14: Երեցները հազել էին ճերմակ հանդերձներ ու գլուխներին ունեին ոսկե պսակներ:

Գահի տեսարանը նկարագրվում է որպես կարգ ու կանոնի, խաղաղության ու հանգստության տեսարան: Ավելի ուշ տեսնելու ենք, որ այն նաև երկրպագության տեսարան է: Սակայն արտաքնապես այն բարկության ու դատաստանի տեսարան է՝ պատրաստ մեղավոր աշխարհի վրա թափվելու. «Եվ գահից փայլակներ ու որոտներ

և ձայներ էին լսվում» (Հայտ. 4:5):

Հովհաննեսը գահի առջև տեսավ յոթ վառվող ջահ, որոնք ներկայացնում են Աստծո յոթ հոգիները: Նա նաև գահի առջև տեսավ բյուրեղի նման ապակե մի ծով, որը, թերևս, խորհրդանշում է Աստծո սրբությունն ու մաքրությունը:

Կարդում ենք ետևից ու առջևից աչքերով լի ու վեց թև ունեցող չորս կենդանիների մասին: Առաջին կենդանին նման էր առյուծի, երկրորդը՝ եղի, իսկ երրորդը մարդու նման դեմք ուներ, ու չորրորդ կենդանին թռչող արծվի էր նման: Նրանք կարծես թե հատուկ կարգի հրեշտակներ են, որոնց գործը նվիրված կերպով Աստծուն շարունակական երկրպագություն մատուցելու է (Հայտ. 4:8): Նրանք գուցե նաև պահպանում են Աստծո գահը, նրանք տեսնում են բոլոր ուղղություններով, իսկ նրանց թևերը հնարավորություն են տալիս արագորեն կատարելու Աստծո կամքը: Նրանց յուրահատուկ առանձնահատկությունները գուցե մատնանշում են Աստծո մեծությունը (առյուծը), զորությունը (եղ), իմաստությունը (մարդը) և աշալջությունը (արծիվը): Նրանք գուցե նաև ներկայացնում են Տեր Հիսուսի տարբեր հայեցակարգերը, որոնք արձանագրված են չորս Ավետառաններում: Ինչպես նշվեց նախկինում, Մատթեոսը Տեր Հիսուսին ներկայացնում է որպես Թագավորի (առյուծ), Մարկոսը՝ որպես ծառայի (եղը), Ղուկասը՝ որպես Մարդու Որդու (մարդ), իսկ Հովհաննեսը՝ որպես Աստծո Որդու (արծիվ):

Երբ կենդանիներն Աստծուն փառը են տալիս, 24 երեցները, գահի առջև ծունկի զալով ու իրենց պակները գահի առաջ նետելով, ասում են. «Դու արժանի ես, Տեր, փառը ու պատիվ և զորություն ստանալու, քանի որ Դու ստեղծեցիր ամեն ինչ, ու Ձու հաճույքի համար եղան ու ստեղծվեցին» (Հայտ. 4:11): Այստեղ Աստծուն երկրպագում են որպես Արարջի: Հաջորդ գլխում Գառանը երկրպագում են որպես Փրկարարի:

3. Յոթ կնիքով կնիքված Գիրքը (5:1-14)

Հովհաննեսը գահի վրա Նստողի աջ ձեռքում տեսավ երկու կողմերում զրված ու յոթ կնիքով կնիքված մի Գիրք: Զորավոր մի հրեշտակ

բարձր ճայնով գոչում էր՝ ասելով. (տե՛ս նաև Հայտ. 10:1, 18:21) ««Ո՞վ է արժանի այս գիրքը բացելու և դրա կնիքները քանդելու»։ Եվ ո՛չ երկարում, ո՛չ երկրի վրա ու ո՛չ երկրի տակ չգտնվեց մեկը, որ կարող լիներ գիրքը բացելու և կամ նրան նայելու։ Եվ ես սաստիկ լախս էի, որ չգտնվեց արժանի մեկը, որ բացեր ու կարդար գիրքը կամ նայեր նրան։ Եվ երեցներից մեկն ինձ ասաց. «Մի՛ լար, ահա Հուդայի ցեղի Առյուծը՝ Դավթի Արմատը, հաղթեց, որ բացի գիրքը ու քանդի նրա յոթ կնիքները»։ Այնուհետև Հովհաննեսը տեսնում է մի Գառան, որը կարծես մորթված լիներ. նա յոթ եղջյուր ու յոթ աչք ուներ։

Ով է Նա, որ միևնույն ժամանակ և՝ Առյուծն է, և՝ Դավթի արմատը, և՝ Գառանուկը։ Նա Գողողոքայի Գառնուկն է, ով «մորթվելու տարվող գառնուկի պես» (Ես. 53:7) գոհվեց մեզ համար։ Նա նաև Քրիստոսն է, որը Դավիթ թագավորի սերնդից եկավ։ Քրիստոսի միջոցով Դավթին տրված աստվածային բոլոր խոստումները կատարվելու են։ Նա նաև Հուդայի ցեղի Առյուծն է, ինչը ցոյց է տախս Գիրքը և նրա յոթ կնիքները բացելու Իր աստվածային զորությունը, որի արդյունքում երկրի վրա սարսափելի դատաստաններ են լինելու։ Հովհաննեսն արդեն իր Ավետարանում գրել էր այն խոսքերը, որ Հիսուսն ասաց. «Հայրը... ամեն դատաստան Որդուն տվեց... Եվ Նրան նույնպես դատաստան անելու իշխանություն տվեց, որովհետև Նա Մարդու Որդի է» (Հովի. 5:22, 27)։ Քանի որ Հովհաննեսին տրվեց ապագա իրադարձությունների այս տեսիլքը, ուրեմն Տեր Հիսուսի՝ որպես Մարդու Որդու՝ աշխարհը դատելու ժամանակը եկել էր (Գործ 17:31)։

Այսախոտվ, Գառնուկը եկավ ու գահին Նատողի աջ ձեռքից վերցրեց Գիրքը։ Այնուհետև չորս կենդանիներն ու 24 երեցները ընկան նրա առաջ ու երկրպագության նոր երգ երգեցին՝ ասելով. «Դու արժանի ես այդ գիրքը վերցնելու և դրա կնիքները բացելու, որովհետև մորթվեցիր ու Զո արյունով մեզ գնեցիր Աստծո համար՝ ամեն ցեղից ու լեզվից, ժողովրդից ու ազգից...» (Հայտ. 5:9-10)։ Այնուհետև անքիվանիհամար իրեշտակներ շրջապատեցին գահը, կենդանիներին ու երեցներին և բարձր ճայնով ասացին. «Գառնուկը, որ մորթված էր, արժանի է ստանալու զորություն, հարստություն, իմաստություն, կառողություն, պատիվ, փառք ու օրինություն (Հայտ. 5:12)։

ԱՃՈՂ ԵԿԵՂԵՑԻ

(Գործք 4:31-33)

«Ի՞նչ է պատահել Եկեղեցիներին. ինչո՞ւ են փակվում», - վերջերս հարցրին ինձ: Թվում է, թե Աստված մի կողմ է քաշվել և մերժել է Եկեղեցին: Հնարավոր է, որ Աստված հեռացած լինի մի քանի Եկեղեցիներից իրենց մեղքի, աշխարհիկության, ապականվածության և Քրիստոսին նման չինելու պատճառով:

Ինչպիսի՞ն էր վաղ շրջանի Եկեղեցին: Այն աճող Եկեղեցի էր. մեկ դարում 120 հոգու փոխարեն արդեն ուներ 10 միլիոն անդամ: Այդ Եկեղեցին չուներ այն հնարավորություններն ու միջոցները, որոնք այսօր մենք անհրաժեշտ ենք համարում՝ հրատարակություն, լրատվություն, հնչյունային համակարգեր, արհեստավարժ հոգևորականություն և առաջնորդներ, նույնիսկ Եկեղեցու շենքեր չունեին: Բայց նրանք գերազանցում էին մեր Եկեղեցիներին. այսօր թերևս կշտամբեն մեզ: Ունենալով տեխնոլոգիական այսքան առաջընթաց, կրթություն և կազմակերպչական հմտություններ՝ մենք դարձյալ հաջողության չենք հասնում: Ինչո՞ւ: Ինչի՞ր ուներ այդ Եկեղեցին, որ մենք չունենք:

ԱՅԴ ԵԿԵՂԵՑԻՆ ԱՎՈԹՈՂ ԷՐ

Եկեղեցին ծնունդ էր առել աղոթաժողովում: Թե՛ տղամարդիկ, թե՛ կանայք, միահամուռ կերպով աղոթում էին (Գործք 1:14): Նրանք աղոթում էին և Սուրբ Հոգով լցվում (Գործք 4:31): Երբ Պետրոսը քանտում էր, նրանք աղոթեցին (Գործք 12) և այնպիսի հավատով էին աղոթում, որը նրանց համարձակ էր դարձնում: Նրանք այնքան ջերմեռանդրեն էին աղոթում, որ շենքը շարժվում էր: Աղոթքը կենսական է Եկեղեցու առաջընթացի համար: Չաղոթող Եկեղեցին կարծես խաղ է խաղում: Առանց աղոթքի՝ Եկեղեցին անզոր է:

ԱՅԴ ԵԿԵՂԵՑԻՆ ՍԵՐ ՈՒՆԵՐ

Այդ սերը նրանց մղում էր միմյանց հետ կիսել իրենց ունեցածը, կարիքավորներին օգնել, մի կողմ դնել իրենց տարբերությունները:

Այսօր փոքր ու չնշին տարբերությունների պատճառով եկեղեցիները պառակտվում ու «հաշմանդամ» են դառնում: Սերը նրանց միավորում էր: Այդ տեսակ սերը արքնություն է բերում: Նրանք «վերինները» սիրում էին առավել, քան որևէ երկրային ունեցվածք:

ԱՅԴ ԵԿԵՂԵՑԻՆ ՎԿԱՅՈՒՄ ԷՐ

Հիսուսը խոստացել էր այդ գորությունը տալ բոլոր այն հավատացյալներին, ովքեր կընդունեին Սուրբ Հոգին ու կդառնային նրա վկաները (Գործ 1:8): Նրանց էր ուղղվել Սեծ Հանձնարարությունը. «Գնացե՛ք և բոլոր ազգերին աշակե՛րտ դարձրեք» (Մատթ. 28:19):

Դեյվիդ Դուստն ասել է. «Նստարաններ գրադեցնող, քայց լրող քրիստոնյաները քայլայում և անեծք են բերում քրիստոնեությանը»:

Երբ առաջյալներին ձերբակալեցին ու քանտ նետեցին, Տիրոց հրեշտակը կեսագիշերին եկավ, դրսերը քացեց ու նրանց դուրս հանեց: Նպատակը ոչ թե այն էր, որ առաջյալները տուն գնային ու թաքնվեին կամ եկեղեցու մյուս անդամներին նախազգուշացնեին, այլ նրանք պետք է գնային տաճարներ ու մարդկանց պատմեին նոր կյանքի պատգամը (Գործ 5:20): Նրանք հենց հաջորդ օրը՝ առավոտյան, մտան տաճար և սկսեցին ուսուցանել:

Իմ կարծիքով, շատերը սխալ են հասկացել կամ մոռացել են եկեղեցու դերն ու նպատակը: Կանադայի բողոքական եկեղեցիներից մեկը որոշեց ճիշտ քաղաքական դիրքորոշում ունենալ. իր խորհրդի լնդիանուր ժողովում առաջարկվեց մի կողմ դնել հրեաներին քրիստոնեությունը:

Սիրելի՛ բարեկամներ, շմոռանանք, որ Նոր Կտակարանի եկեղեցին հաստատվել է ոչ թե հերանուսների, այլ Հիսուս Քրիստոսի և նրա հրեա աշակերտների կողմից: Նրանք Ավետարանը տարածեցին ամբողջ աշխարհում, իսկ իման քազմարիվ այսպես կոչված «քրիստոնյա եկեղեցիներ» անտեսում ու մերժում են բոլոր ազգերին Ավետարանը հասցնելու Սեծ Պատգամը:

Այսօրվա եկեղեցու ազդեցությունն ինչո՞ւ է այդքան փոքր: Շատ պատճառներ կան, քայց ես կնշեմ մի քանի ակնհայտ պատճառներ.

- շատ դիտորդներ, քիչ մշակներ և կատարողներ,
- մեծ հետաքրքրություն մեթոդների նկատմամբ և քիչ հետաքրքրություն պատգամի նկատմամբ,
- շատ մտահոգություն հասարակական հեղինակության համար և քիչ մտահոգություն ճշմարտության ու բարեպաշտության համար,
- քիչ մտահոգություն կամ մտահոգության բացակայություն կորսվողների և նրանց դեպի Քրիստոսը բերելու համար,
- քիչ ավետարանչական ժողովներ. ավետարանչությունն այսօր հիմնականում մոռացված է,
- նպատակից շեղվել,
- մեր առաքելությունն անտեսել:

Կարծես մոռացվել են Հիսուսի այս խոսքերը. «Դուք իմ վկաները կլինեք Երուսաղեմում, Հրեաստանում, Սամարիայում և աշխարհի բոլոր ծայրերում» (Գործք 1:8): Իսկ աշխարհն այսօր առավել, քան երբսէ Ավետարանը լսելու կարիք ունի: Եկեք արձագանքնենք այդ կարիքին:

Չպետք է մոռանանք, որ Ավետարանը մեզ է հասել այնպիսի մարդկանց շնորհիվ, որոնց հնարավոր չեն կանգնեցնել: Նրանք առաջ շարժվեցին աղոքելով, սիրելով և վկայելով: Առաջ շարժվելու նույն պատվերները մեզ են տրված: Նրանք փոխեցին աշխարհը, մենք էլ կարող ենք նույնն անել:

Վեր. Հովսեփի Հովսեփյան



«Ուրեմն սիրի՛ր քո ՏԵՐ Աստծուն և Նրա հրահանգները, կանոնները, դատաստանները և պատվիրանները պահի՛ր միշտ»:

Բ Օրինաց 11:1

Որքանո՞վ կարող ենք սխալվել

Եղիփազը տարակուսանքի մեջ էր: Նա երկար տարիների վորձ ուներ, որպեսզի հստակ զաղափար կազմեր Աստծո՝ մարդկանց կյանքում գործելու կերպերի վերաբերյալ: Խսկապես, ամեն ինչ շատ պարզ է. եթե բարիք անես, Աստված կօրինի քեզ՝ կյանքի մեջ բարիքներ տալով, իսկ եթե չարիք անես, ապա կարող ես ակնկալել ամեն տեսակի տառապանք ու դժվարություն:

Ինչպես արդեն վերը նշեցինք, Եղիփազը տարակուսված էր: Նա իր ընկերոց՝ Հորի մասին միշտ լավ կարծիք ուներ, սակայն Հորի ունեցվածքի ահռելի կորստի, որդիների մահվան և սարսափելի հիվանդությամբ տառապելու լուրերը իրեն դրդեցին՝ ենթադրելու, թե Աստված Հորին բան է ուզում հասկացնել. թե նրա կյանքում սխալ կա: Նա մտածում էր, թե Հորի կյանքում ծածուկ մեղք կա: Աստված արդար է և երբեք նման բան քոյլ չէր տա, եթե անձը իսկապես արժանի չլիներ դրան: Եղիփազը կյանքը դիտարկում էր իր սահմանափակ Աստվածաբանության տեսանկյունից: Այն իրեն ապահովության և պաշտպանված լինելու զգացում էր տալիս: Չափազանց սարսափելի է մտածել, որ ապրում ենք այնպիսի աշխարհում, որտեղ որևէ մեկի հետ որևէ բան կարող է պատահել: Պետք է, որ ինչ-որ պատճառ լիներ, որը կրացատրեր, թե ինչու այս ամենը պատահեց Հորին և ոչ թե իրեն: Աստծո պարզեցած էր և պատժելու զաղափարը, անկասկած, շատ գրավիչ էր և նրան ապահովության զգացում էր պարզել: Անշուշտ, Հորը նման տառապանքի չպետք է հանդիպեր, քանի որ նրա կյանքն անարատ էր:

Եղիփազը բնավորության այնպիսի գծեր ուներ, որոնք կան նաև շատերիս մեջ: Նա զոհ էր իր աստվածաբանությամբ, որում ճշմարտության քիչ տոկոս կար. այն ավելի շուտ ուրիշներին հանդիպած տառապանքներից ինքնապաշտպանվելու գաղափարախտսություն էր:

Հորին մտահոգում էր ոչ միայն իր տառապանքի մեծությունը, այլև այն առեղծվածը, թե ինչո՞ւ այս ամենը իրեն պատահեց, իսկ Եղի-

փազը մտահոգված էր իր սահմանափակ աստվածաբանությամբ, որը, ինչպես հայտնի եղավ, խկական պատուհաս էր դարձել Հորի համար՝ վերջինիս ծանրաբեռնելով մեղավորության զգացումով:

«Հոր» զիրքը կարդալով՝ հայտնաբերում ենք, որ Հորը, իր շպատաս-խանված հարցերի դեմ պայքարելով, շատ ավելի մոտ էր Աստծուն, քան Եղիփազը իր աստվածաբանության պարզունակ պատասխան-ներով: Որքա՞ն սխալ էր Եղիփազը: Պարզվում է՝ Հորի տառապան-քը ոչ թե իր վատը լինելու պատճառով էր, այլ ընդհակառակը՝ իր շատ լավը լինելու:

Իրականում տեղի ունեցածի խորհրդավոր ճշմարտությունը շատ ավելին էր, քան Եղիփազը կարող էր ընկալել իր նեղ աստվածաբա-նությամբ: Ինչպե՞ս նա կարող էր ենթադրել, թե Հորին պատահածը Աստծո և սատանայի միջև տեղի ունեցած սուկավի ու աներևույթ բախման արդյունք է: Ինչպե՞ս կարող էր իմանալ, որ Աստված Հո-րին ընտրել էր որպես իր հերոս: Ինչպե՞ս կարող էր իմանալ, որ Աստված Ինքնիրեն հայտնելու էր Հորին ամպրովի զորությամբ ու շափականց օրինելու էր նրան:

Պատմության ավարտին տեսնում ենք, որ Հորը ճիշտ էր և Եղի-փազի մեղադրանքն ընդունելու փոխարեն նա Աստծուն զի մատու-ցեց, որպեսզի Աստված մերի Եղիփազին՝ Իր մասին այդպես խոսե-լու համար: Եղիփազի՝ իրականությանը չհամապատասխանող հայ-տարարությունները Աստծուն պատիվ չըերեցին: Հետաքրքրական է, չ?՝ թե որքա՞ն սխալ կարող ենք լինել, եթե մարդկանց ու նրանց ի-րավիճակների մասին ենք խորհում: Պարզապես վստահ լինելու չի նշանակում, որ ճիշտ ենք: Եղիփազի նման կարծում ենք, թե մեր իմացածը այն ամենն է, ինչ հայտնի է անձի կամ իրավիճակի մա-սին: Թերևս կան այնպիսի փաստեր կամ հանգամանքներ, որոնք բոլորովին ծածուկ են, և որոնց մասին երբեք չենք կարող ենթադրել: Աստծուն լավ շճանաչելը կամ ուրիշների կյանքում Նրա կատարած-ները չհասկանալը կարող են մեզ անտարբեր ու քննադատող դարձ-նել: Մեր մակերեսային բացատրությունները կարող են ավելի շուտ վնասել ու շփորեցնել, քան օգնել կոտրվածներին ու տառապողնե-րին:

Քրիստոսը աշխարհ չեկավ՝ դատելու կամ բացատրություններ տալու: Նա եկավ ու մասնակցեց մեր տառապանքին և որպես արդյունք՝ փրկություն ու բժշկություն բերեց: Սա է այն կոչը, որով Աստված դիմում է մեզ, որ մենք էլ նույնը անենք մեր ծանոթների համար:

Ոերս Տիրլավ



Ինչո՞ւ հոչակել Խոսքը

Աստծո Խոսքը կյանք է

Դա կենդանի Խոսք է, որ վերածնում է լսողին: Նորովի ծնունդը Խոսքից է: Կենդանի հավատքը գալիս է Խոսքը լսելուց (Բ Օր. 8:3, Հովհ. 6:63, Հոռմ. 10:17, Փիլիպ. 2:16, Հակ. 1:18-21, Ա Պետ. 1:23):

Աստծո Խոսքը զորություն է

Դա վասվող Խոսք է, որ մաշում է լսողի մեջ եղած անպիտանը: Դա և՛ հանդիմանում է, և՛ կոտրում լսողի դիմադրությունը (Երեմ. 20:9, 23:29, Հովհ. 15:3.7, Հոռմ. 1:16, 10:17, Եփես. 6:17):

Աստծո Խոսքը լույս է

Դա հավատացյալին առաջնորդող լուսարձակող Խոսք է: Առանց Խոսքի՝ հավատացյալը զգիտի՝ ինչպես ապրել: Առանց Խոսքի՝ կառող ենք լոկ խարիսափել խավարում (Սաղ. 119:105, Բ Կորնք. 3:5-6, Բ Պետ. 1:20-21, Ա Տիմ. 4:13-16):

Աստծո Խոսքը կերակուր է

Սենք պետք է ուտենք Աստծո Խոսքը, մարսենք ու յուրացնենք դա: Խոսքը պետք է մեր կյանքի անքածան մասը դառնա: Դա պետք է կիրառվի: Աննի բացակայությունը նշանակում է աճի բացակայություն (Երեմ. 15:16, Եգեկ. 2:8-3:3):

Ի՞նչ է անում մեզ համար Աստծո Խոսքը:

Աստծո Խոսքը քննում է մեզ

Աստծո այս կենդանի Խոսքը գործուն է Աստծո նպատակն իրականացնելիս: ‘Դա կենդանի զորություն է, որ քննում է մեզ ամենատես աչքով՝ ներքափանցելով մեր հոգու խորքը (Եբր. 4:12, Սաղ. 147:18, Եսայի 40:8, 55:11, Գաղ. 3:8, Եփիս. 5:26, Հակ. 1:18):

Աստծո Խոսքը դատում է մեզ

Աստծո Խոսքի գլխավոր նպատակը միակ Փրկչին ներկայացնելն է: Փրկչի գալու նպատակը մեղավորին դատելը չեր, այլ փրկություն բերելը: ‘Դատաստանը փրկության մյուս մասն է, նույն կերպ, ինչպես արևի նպատակը շողալն է, բայց երբ արևը շողում է, պետք է ակնկալել ստվերներ (Հովհ. 12:48):

Աստծո Խոսքը մեզ վկայում է Տեր Հիսուսի մասին

Թեպես Աստծո Խոսքը շատ բաների մասին է խոսում, սակայն իմանական նպատակը մեզ Տեր Հիսուսին ցույց տալն է: Նա պետք է մնա գլխավոր Անձն Աստվածաշնչում (Հովհ. 3:11-13, 34, 5:39, 6:63, Ղուկ. 24:44, Գործը 28:23):

Աստծո Խոսքը սրբում է մեզ ու աճ տալիս

Աստծո Խոսքով մենք սրբվում ենք ու Աստծո համար ապրելու գորություն ստանում: Էտելը նախորդում է պտղաբերությանը: Լավ պտուղ կարելի է ստանալ միայն Աստծո Խոսքից (Երեմ. 15:16, Սաղ. 107:20, 119:9, Հովհ. 15:3, Եփիս. 5:26, Բ Թես. 2:13, Ա Պետ. 1:23, 25, 2:2, Բ Պետ. 3:18):

Դոկտ. Զեսլո Բասսարա

**«Եվ քո առջևից գնացողը նույն ինքը՝ Տերն է, նա քեզ հետ է լինելու,
նա քեզ չի թողնի և քեզ չի լրի, մի՛ վախենա, մի՛ զարհուրիր»:**

Բ Օրինաց 31:8

Ապակե շիշը

Եթք կարծում ես, որ կյանքդ անտանելի է, և 24 ժամը բավարար չէ մեկ օրվա մեջ, հիշի՞ր այս պատմությունը և քաջալերվի՞ր:

Համալսարանի դասախոսը փիլիսոփայության լսարանի իր ուսանողների առջև կանգնեց: Նա մի քանի առարկա ուներ իր սեղանի վրա:

Եթք դասաժամը սկսվեց, նա կափարիչով ապակե մեծ դատարկ շիշ վերցրեց և սկսեց այն լցնել գոլֆի գնդակներով: Ապա հարցրեց ուսանողներին, թե արդյոք շիշը լիքն է: Նրանք համաձայնեցին, որ այդպես է: Ուսուցիչը խճաքարերով լի տուփ վերցրեց և այն դատարկեց շշի մեջ: Սի քիչ ցնցեց շիշը, և քարերը տեղավորվեցին գոլֆի գնդակների միջև գտնված տարածքում: Նորից հարցրեց, թե արդյոք շիշը լիքն է: Ուսանողները պատասխանեցին՝ այս: Հաջորդիվ դասախոսը մի տուփ ավագ վերցրեց և քափեց շշի մեջ: Ավազը ամեն կողմ տարածվեց: Կրկին հարցրեց, թե արդյոք շիշը լիքն է: Հետաքրքրված ուսանողները միաբերան «այս» ասացին: Ապա պրոֆեսորը սեղանի տակից երկու գավաք սուրճ հանեց և այն ամբողջությամբ քափեց շշի մեջ, որը լիովին լցրեց ավազի դատարկ բողած տեղերը: Ուսանողները սկսեցին ծիծաղել:

Եթք ծիծաղը դադարեց, դասախոսն ասաց. «Հիմա ուզում եմ՝ իմանաք, որ այս շիշը ներկայացնում է ձեր կյանքը: Գոլֆի գնդակները խորհրդանշում են կարևոր բաները՝ ընտանիք, զավակներ, առողջություն և նախասիրած առարկաներ: Եթե ամեն ինչ կորսվի, և միայն դրանք մնան, կյանքդ տակավին լցված կլինի: Խճաքարերը խորհրդանշում են արժեքավոր բաները, ինչպիսին են գործդ, տունդ և ավտոմեքենադ, իսկ ավազը՝ մնացած ամեն մանր-մունք բաները:»

Եթե նախ ավազը դմեն շշի մեջ, տեղ չի լինի խճաքարերի կամ գնդակների համար: Նույնն է կյանքի պարագայում: Եթե ամբողջ ուժը և զորությունդ վատնես մանրութների վրա, բոլորովին տեղ չես ունենա իրավես կարևոր բաների համար:

Ուստի ուշադրություն դարձրու այն տարրերին, որոնք ազդում են քո ուրախության վրա: Զավակներիդ հետ խաղա՛: Ժամանակի՞ն զննիր առողջությունդ: Կողակցիդ սրճարան հրավիրիր. միշտ ժամանակ կլինի տունը մաքրելու և կարող ծորակը նորոգելու համար: Նախ հոգ տար գոլֆի զնդակների մասին: Նախապատվությանդ շարքը ճշտիր: Մնացածն ավագ է»:

Աշակերտներից մեկը ձեռքը բարձրացրեց և հարցրեց, թե սուրճը ինչի՞ խորհրդապատկերն է: Ուսուցիչը Ժպտաց: «Ուրախ եմ, որ հարցրիր, - ասաց. - այն ցույց է տալիս, թե որքան էլ լիքը երևա կյանքդ, միշտ տեղ կա բարեկամի հետ մի քանի գավաթ սուրճ խմելու համար»:

«Բայց դուք նախ խնդրեցեք Աստծո քագավորությունը և Նրա արդարությունը, և այս բոլոր քաները պիտի ավելացվեն ձեզ» (Մատթ. 6:33):

Քաղված «Ավետարեր ձիթենին» գրքից

Ամենակարող Աստված

Մի փոքրիկ եկեղեցի կար, որ կոչվում էր Ամենակարող Աստծո տաճարը: Այս եկեղեցու հովիվը մի շաբաթօրյա գիշեր՝ մինչև ուշ ժամը, գրասենյակում պատրաստում էր հաջորդ օրվա պատզամը: Գրասենյակից դուրս գալուց առաջ որոշեց զանգահարել տիկնոջը: Ժամը տասն էր, սակայն երեցկինը շպատասխանեց հեռախոսազնության: Պատվելին երկար սպասեց և շատ զարմացավ, երբ պատասխան չլսեց: Երբ գործը ամփոփելով որոշ ժամանակ անց կրկին զանգահարեց տուն, տիկինը անմիջապես պատասխանեց զանգին: Երբ հովիվը հարցրեց, թե ինչու նախորդ հեռախոսազնության չէր պատասխանել, կինը ասաց, որ զանգ չի հնչել: Թեև նրանք զարմացան պատահածի վրա, սակայն դա անկարևոր համարելով՝ իրենց մտքից հանեցին այդ պատահարը:

Հաջորդ երկուշաբթի պատվելին եկեղեցու գրասենյակում հեռախոսազնագ ստացավ: Մարդը, որ իր հետ խոսում էր, ուզում էր իմանալ, թե ինչո՞ւ էր իրեն հեռաձայնել շաբաթ գիշերը: Հովհաննես կացավ, թե նա ինչի՞ մասին էր խոսում, ապա մարդը շարունակեց. «Հեռախոսազնագը հնչեց ու հնչեց, բայց ես չպատասխանեցի»: Այն ժամանակ պատվելին հիշեց պատահարը և ներողություն խնդրեց վերջինիս անհանգստացնելու համար՝ բացատրելով, որ փորձել էր իր տիկնոջը զանգահարել, բայց հավանաբար սխալ համար էր հավաքել:

Մարդը այսպես պատասխանեց. «Խնդիր չէ, պատվելի՛: Ուզում եմ քեզ իմ պատմությունը պատմել: Շաբաթ գիշերը ես այնքան հուսահատ վիճակում էի, որ որոշել էի անձնասպան լինել, սակայն նախքան այդ աղոթեցի՛ ասելով. «Աստված, եթե Դու իրապես գոյություն ունես և չես ուզում, որ ես անձնասպան լինեմ, ինձ մի նշան տուր իմանա»: Ճիշտ այդ պահին հեռախոսս սկսեց զանգել: Նայեցի, որ իմանամ, թե ո՞վ է ինձ զանգահարողը, և շատ վախեցա, եթք հեռախոսի վրա տեսա «Ամենակարող Աստված» բառերը: Սարսափից շկարողացա պատասխանել զանգին»:

Այո՛, Տերը զարմանահրաշ կերպերով միջամտում է ու պատասխանում է աղոթքներին, քանի որ Աստված «չի ուզում որևէ մեկի կորուստը, այլ՝ որ ամենքը ապաշխարության գան» (Բ Պետ. 3:9): Ամեն:

Քաղված «Օրինաբեր նոնենին » գրքից



«Լսի՛ր, ո՞վ հսրայել, մեր Տեր Աստվածը մեկ Տեր է. Սիրի՛ր քո Տեր Աստծուն ամբողջ սրտովդ, ամբողջ հոգովդ և ամբողջ զորությամբդ: Եվ այս խոսքերը, որ ես այսօր քեզ պատվիերցի, քո սրտի մեջ լինեն»:

Բ Օրինաց 6:4-5

Ես եկել եմ դժոխից

Ես եկել եմ դժոխից, դրախտի դուռն եմ թակում.

Հյուծված, հոգնած եմ շատ խիստ, և աչքերս են փակվում,

Կանչդ լսել եմ, Փրկի՛չ, ներկայացել Քեզ մոտ,

Ինձ շմերժես, Արարի՛չ, անուշ խոսքիդ եմ կարոտ:

Կարծում էի, թե մեղքերից կարելի էր կշտանալ,

Ուտում էի ախորժակով, չէի կարող հագենալ,

Ինչքան կերա, այնքան մեծ սով զգացի,

Գինն հասկացա մանանայիդ, գինը երկնավոր Հացի:

Սուրբ առակիդ ճամփորդի պես լույսից խավար զնացի,

Երիքովի ճամփին ծեծված, անօգնական մնացի,

Այդպես լքված, արյունվա, վիրավոր,

Մահն էր դաժան ինձ մոտենում օրեցօր:

«Ուսուցիչները» հերթով անցնում, ամոք էին ինձ տալիս,

Բայց ես բժիշկ էի փնտրում, հառաջում էի, լալիս,

Բոլորը խիստ, միաբերան՝ թե հերիք է մեղանչես,

Ու չեն ասում՝ ինչ զորությամբ բանսարկուից դու փախչես:

Ու անառակ որդու նման սոված, ծարավ, մերկ, տկլոր,

Ես ես դարձա հայրական տուն լուսավոր,

Ահը սրտումս, թե Հայրը սուրբ իմ մեղքերը չի ների,

Անունս հաստատ չկա ցանկում որդիների:

Բայց դու ելար ինձ լնդառաջ, ո՞վ Հզոր,
Փաթարվեցիր, համբուրեցիր ու նամացավ աչքս չոր,
Ասիր՝ որդուս կոշիկ տվեք, տաքացրեք, փայփայեք.
Մատին՝ մատնիք և պարարտ եզր մորթեք:

Գիտեմ՝ շուտով վերջը կգա այս դարի,
Գիտեմ՝ նաև ինձ ներել ես, Միակ Բարի,
Ուժ տուր, որ ես չգլորվեմ ետ դժոխը,
Ուժ տուր՝ ապրեմ առանց անեծք ու նզովք:

Հե՞յ, դժոխքի ճամփեն բռնած եղբայրներ,
Թե՛ երիտասարդ, թե՛ ալևոր ծեր այրեր,
Հավատացեք՝ ողորմոթյունը մեծ է Փրկիչ մեր Տիրոջ,
Եկե՛ք լույսին, իսկ խավարին ասե՛ք՝ ոչ:

Եկե՛ք, քանի դուռը բաց է դրախտի,
Եկե՛ք ապրենք առանց կեղտի ու աղտի,
Հոգնածներին Տերն է կանչում հանգստյան,
Նրան վայել է փառք հավիտենից հավիտյան:

Գառնիկ Աբրեյան